


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館

deli得力



浙江圖書館



浙江圖書館

劉賓客文集卷第十四

表章

古

氏



浙江圖書館

劉賓客文集卷第十四

為竇中丞謝上表

賀收蔡州表

賀赦牋

賀平淄青表

賀冊皇太子表

賀龍飛表

賀赦表

賀冊皇太后表

賀改元赦表

表章

馬氏

馬氏

謝中使送上表

館賀赦表

書賀雪鎮州表

圖 夔州謝上表

慰國哀表

江 賀皇太子牋

浙 賀冊太皇太后表

和州謝上表

夔州論利害表二首

為容州實中丞謝上表

羣時在朗州相  
達因以見託

臣某言伏奉某月日制書授臣容州刺史兼御史中丞充本管經略招討等使臣發開州日已差某官某已奉表陳謝伏以道途遐阻水陸縈紆臣以今月某日到本任上訖謹宣聖旨慰諭遠人臣本書生素無吏術頃因多幸責自立園累沐聖慈驟居清貫識昧通變動乖事宜愧無善狀以塞公責伏惟睿聖文武皇帝陛下凝旒穆清洞照寰海推共理之義分寄股肱念蒸人之勤溥霑遐邇察臣前任事實恕臣本性朴愚賜以恩輝拔於廢棄遠辭偏郡重委方隅捧印

綬以為榮望闡庭而增戀雖到官之始惠未及人而

綬以為榮望闕庭而增戀雖到官之始惠未及人而  
率下之誠務先克己凡施政教皆稟詔條參以土宜  
遂其物性可行必守有敬辨必除使蠻夷生梗之風慕  
臣子盡忠之道力誠不足心實在茲伏乞聖明俯賜  
昭鑒無任感戴屏營之至元和八年云云

謝中使送上表

臣某言中使吐突仕曉至奉宣聖旨慰諭并送臣至  
本任者深山遠郡忽降王人跪受恩榮仰瞻宸極伏  
以發自己峽至于南荒涉水陸湍險之途當炎夏鬱

蒸之候山川縈轉晨夜奔馳幸無它疾得至本管九

卷十四

重結戀遙傾捧日之心萬里獲安皆荷自天之祐無  
任感戴屏營之至

賀收蔡州表

館

臣某言伏見詔書以唐州節度使李愬生擒逆賊吳  
元濟獻俘文武百寮於興安門列班稱賀者天威遠  
被元惡就誅一方既平萬國咸慶伏惟敷聖文武皇  
帝陛下德超遠遂古道合上玄臨御已集天人協贊削  
平吳蜀掃蕩塞垣車書大同夷狄來貢蕞爾元濟敢  
懷野心輒聚犬羊苟偷時月陛下聖謨獨運感潛  
通天助神兵人生勇氣既擒兇逆遂正刑書伏三紀

遂唐文作爰

之道誅成九衢之壯觀宗社昭告華夷式瞻行帛伐



通天助神兵人生勇氣既擄兇逆遂正刑書伏三紀  
之通誅成九衢之壯觀宗社昭告華夷式瞻行弔伐  
而在禮無違烜威聲而何城不克楚氛改色淮水安  
流漢上疲人盡雷雨露汝南遺老重覩昇平凡在具  
臣孰不欣抃臣久辭朝列恭守遐藩不獲稱慶闕庭  
陳露丹慊仰瞻宸極倍萬群情無任踴躍慶快之至  
元和十二年十二月二十三日

賀赦表

臣某言伏奉今月一日制書大赦天下者聖德廣運  
浹于華夷天光下臨照彼幽墊伏惟睿聖文武皇帝  
陛下神扶寶祚天贊鴻猷意有所之事無不克當淮  
中山集

卷十四

右凱旋之後是域中慶幸之時順陽和以發生施霈  
澤於寰海網開三面危疑者許以自新耳達四聰瑕  
累者期於錄用求碩畫於庶位慮遺材於放臣旌忠  
烈之家賞勲庸之胤仁及枯骨無隔於寇戎榮加顯  
親普霑於存沒恤刑已責實廩蠲徭頒錫彰有客之  
詩崇儒協宗子之望岳瀆咸秩耆艾飲和大僚承任  
子之恩武旅荷賜金之寵斯皆禹湯文武之遺美高  
祖太宗之耿光集于聖朝然後大備德音所至和氣  
隨之歡謚上徹於九天福祚永延於億載能使遠夷  
屈膝豈惟小醜率心率土人臣不勝大慶臣久辭闕

屈和豈惟小醜（字）心率土人臣不勝大慶臣久辭闕

至  
下恪守海隅犬馬之誠倍百常品無任抃躍屏營之

賀赦牋

館

使持節連州諸軍事守連州刺史劉某惶恐叩頭伏  
見今月一日制書大赦天下者伏以獻歲布和皇恩  
遠降乾坤交泰寰海廓清伏惟皇太子殿下道冠元  
良德兼忠孝承顏拜慶榮耀古今某職守有限不獲  
隨例稱賀宮庭無任欣說之至元和十三年正月二  
十九日

賀雪鎮州表

卷十四

臣某言伏見四月二十七日德音以王承宗效順著  
明復其官爵所獻二郡別置藩垣聖德動天鴻恩及  
物瑕累咸滌蒸黎永安伏惟睿聖文武皇帝陛下自  
承寶位克振皇綱既以四海為家每念一夫不獲昨  
因大慶爰降殊私廣宥過之科開自新之路綸言一  
發神聖潛通遂令迷誤之徒頓釋憂危之慮命胤子  
以入侍獻名都以效誠臣心既明天網為解因析四  
郡別為一方惟懷永圖盡去前弊大河以北化為禮  
樂之鄉率土之濱重見昇平之日臣恪居官次遐守  
嶺隅不獲稱慶闕庭無任踴躍屏營之至

嶺隅不獲稱慶關庭無任踴躍屏營之至

### 賀平淄青表

臣某言伏見制旨魏博節度使所奏送賊李師道并  
男二人並梟斬訖以二月十六日御宣政殿受賀者  
聖德玄運兵威神速旬月之內鯨鯢就誅秦嶽既寧  
登封有日伏惟勅聖文武皇帝陛下有征必克舉意  
無違天地協神筭之期雷霆助成師之氣蠢爾孽豎  
敢生野心蕭斧一臨妖氛自滅皆由聖慈廣被勅略  
潛通獻俘者盡許生還得地者復令安堵感我仁化  
激其深衷凡是脅從盡思效節五紀巢穴一朝蕩夷  
遂使齊魯之鄉復歸仁壽之域捷書既至傳首繼來

卷十四

備文物於明庭告殊勲於清廟百辟陳賀萬方會同  
從此止戈所以為武西周士庶方觀飲至之容東嶽  
煙雲已望告成之禮臣恪居遠服嘗忝班行慶快之  
誠倍萬群品無任踊躍屏營之至元和十四年三月  
二十四日

夔州謝上表



臣某言伏奉某月日制書授臣使持節都督夔州諸  
軍事守夔州刺史跪受天詔神魂震驚伏惟文武孝  
德皇帝陛下垂衣穆清叡鑑旁達三統交泰百神降  
祥決于華夷盡致位壽臣家本儒素業在執文貞元

任唐文存仁

年中三忝科第德宗皇帝記其姓名知無黨援擢為

祥決于華夷盡致位毒臣家本儒素業在執大貞元

年中三忝科第德宗皇帝記其姓名知無黨接擢為  
御史在臺三載例遷省官權臣奏用分判錢穀竟坐  
連累貶在遐藩先朝追還方念淹滯又遭讒嫉出牧  
遠州家禍所鍾沈伏草土禮經有制羸疾僅存甘於  
畎畝以樂皇化伏遇陛下大明御宇照燭無私念以  
殘生舉其彝典獲居善部伏感天慈臣即以今月二  
日到任上訖硤水千里巴山萬重空懷向日之心未  
有朝天之路無任感恩戀闕之至長慶二年正月五  
日

賀用皇太子表

卷十四

臣某言伏見制書以十二月二十日冊皇太子盛禮  
斯畢德音遐宣萬國以貞庶類咸說伏惟文武孝德  
皇帝陛下體元立極垂訓御時既闡王猷思安國本  
前星位定拱宸極以昭彰蒼震氣宣與天地而長久  
禮光七鬯澤被華茂宗祏有無疆之休生靈懷莫大  
之慶臣恪居官次遐守巴南不獲稱賀闕庭無任踴  
躍屏營之至長慶三年正月日

慰國哀表

浙

臣某言上天降禍大行皇帝奄棄萬國奉諱號擗靡  
潰五情伏惟皇帝陛下孝思至性攀號罔極臣恭守

所部不獲陪位西宮伏增感慕之至謹奉表陳慰以



所部不獲陪位西宮伏增感慕之至謹奉表陳慰以  
聞長慶四年二月日

賀龍飛表

館

臣某言伏見詔書正月二十六日皇帝陛下嗣登寶  
位萬國同歡日月繼明乾坤交泰伏惟皇帝陛下欽  
承顧命惟懷永圖以大孝奉宗祧以至仁蘇品物洞  
照寰海統和神人聖祚延長從今無極群生鼓舞自  
此太寧臣守遐藩恪居官次不獲奔馳拜舞稱賀闕  
庭無任抃躍屏營之至長慶四年二月日

賀皇太子牋

卷十四

使持節都督夔州刺史劉某叩頭伏惟皇太子殿下  
祇膺詔冊光啓儲闈展至性於三朝承本枝於百代  
宗祏永固神人以和四嶽仰維嵩之高百川承少海  
之潤某限以職守不獲隨例稱慶宮庭無任抃躍之  
至

賀赦表



臣某言伏見今月二日制書大赦天下者大明初昇  
萬物咸覩渙汗一發神人以和伏惟皇帝陛下天資  
睿聖神啓昌期端拱受萬國之朝承顏奉兩宮之慶  
初嗣大位克揚孝心三光協明和氣來應臣伏讀赦

初嗣大位克揚孝心三光煥明和氣來應臣伏讀赦  
令首於奉園陵盡誠敬親九族蘇兆人次及定章程  
止進獻已通責滌夙瑕內照于九重則歸嬪嬙放鷹  
犬外明于四目則求隱士開直聲柔遠以仁則還其  
係虜賞延以禮則澤及後昆菲食遵夏禹之規弋綈  
法漢文之儉墜典咸舉舊章再明昇平之期正在今  
日發號之始疾於春風殊私所及霈若時雨臣幸逢  
昌運歷事五朝出守遐藩僅垂二紀欣承靈雨作解  
之澤不勝犬馬戀主之誠瞻望帝鄉無任屏營懇悃  
之至長慶四年三月二十七日

賀冊太皇太后表

卷十四

臣某言伏見制書以二月十八日冊立太皇太后徽  
章克備慶賜遠行榮冠古今澤周寰海伏惟皇帝陛  
下纘承列聖歡奉兩宮太皇太后含飴保和重光疊  
慶漢儀盛於長信周祚興於大任方之聖朝彼有懃  
德臣遠守巴峽不獲稱賀闕庭無任抃躍屏營之至  
長慶四年三月日

賀冊皇太后表

汪

臣某言伏見制書以二月十五日冊立皇太后盛  
禮畢陳德音遠被一人有慶萬國同歡伏惟皇太后  
稟靈作合誕聖表祥徽號極域中之尊慈仁為天下

之<sup>母</sup>陛下君臨有國子道無違長樂宮中永獻南山  
之壽濯龍門上再揚東漢之風率土臣子不勝歡抃  
臣遠守荒服不獲稱慶闕庭無任踴躍屏營之至

和州謝上表

臣某言伏奉制書授臣使持節和州諸軍事守和州  
刺史臣自理巴賓不聞善最恩私忽降慶抃失容伏  
惟皇帝陛下丕承寶祚光聞鴻猷有漢武天人之姿  
稟周成睿哲之德發言合古舉意通神委用得人動  
植咸說理平之速從古無倫微臣何幸獲覩昌運臣  
業在詞學蚤歲策名德宗尚文擢為御史出入中外

卷十四

歷事五朝累承恩光三換符竹在分憂之寄祿秩非  
輕而素蓄所長效用無日臣聞一物失所前王軫懷  
今逢聖朝豈患無位臣即以今月二十六日到所任  
上訖伏以地在江淮俗參吳楚災旱之後綏撫誠難  
謹當奉宣皇恩慰彼黎庶久於其道冀使知方伏乞  
聖慈俯賜昭鑒臣遠守藩服不獲拜舞闕庭無任懇  
悃屏營之至謹差當州軍事衙官章興奉表陳謝以  
聞長慶四年十月二十六日

賀改元赦表

臣某言伏見今月七日制書大赦天下者帝遊出震

聖澤如春神人以和天地交泰伏惟皇帝陛下丕承

臣某言伏見今月七日帝書大赦天下者帝遊出震

聖澤如春神人以和天地交泰伏惟皇帝陛下丕承  
鴻業光闡敵圖吉日展嚴配之儀告天陳太平之盛  
九廟成禮百神降祥鑿輅旋衡風雲改色殊私廣被  
再弘莫大之恩寶曆惟新更啓無疆之祚兩宮承慶  
四海永寧率土臣子上千萬壽臣恪居官次不獲稱  
賀闕庭無任屏營之至謹差當州軍事衙官談慈州  
吉昌府別將徐倫奉表陳賀以聞寶曆元年二月十  
六日

夔州論利害表

浙

臣某言伏準元和十二年四月十八日敕諸州刺史

卷十四

如有利害可言者不限時節任自上表聞奏者臣伏見貞觀中詔許群臣各上書言利便馬周時一布衣遂因中郎將常何獻策二十餘事太宗深奇之盡行其言擢周為御史至龍朔中壁州刺史鄧弘慶進平索看精四字堪為酒令高宗嘉之亦行其言遷弘慶為朗州刺史則知苟有所見雖布衣之賤遠守之微亦可施用况臣蚤受國恩德宗廟忝為御史逮今歷事四朝頗領藩條當陛下至明之時是微臣竭節之日伏以守在遐郡不敢廣有所陳謹準敕上利害及當州公務各具別狀以聞伏乞聖慈俯賜昭鑒無任



當州公務各具別狀以聞伏乞聖慈俯賜矜鑒無任  
感激屏營之至謹差當州軍事衙官守易州安義府  
別將員外置同正員雲騎尉馮隨謹奉表以聞長慶  
三年十一月七日

論利害表

臣某言伏準今年正月五日德音宜令諸道觀察使  
刺史各具當處利害附驛以聞者伏惟皇帝陛下睿  
哲自天纘成列聖善述先志發揚德音率土人臣不  
勝慶幸臣度奉詔旨宣示蒸黎伏以華夏不同土宜  
各異詳求利病謹具奏聞伏乞聖慈俯賜昭鑒臣伏  
覽國史竊見開元十八年朝集使至京玄宗臨軒親

卷十四

問利害時宣州刺史裴耀卿上便宜事論轉輸甚詳  
竟不行下至二十一年耀卿為京兆尹再以前事奏  
論方見允納比及三年漕運七百萬石省脚三十餘  
萬貫當耀卿前見不納必有人非之及後數年方展  
其效臣僻守遠郡敢望言行祇奉詔書或冀萬一伏  
惟明主擇之無任懇悃屏營之至長慶四年五月十  
四日

浙江圖書館

劉賓客文集卷第十四

劉賓客文集卷第十五

表章五

賤附

為裴相公賀冊魯王表

為裴相公讓官第一表

并批荅

第二表并批荅

第三表并批荅

蘇州謝上表

蘇州謝賑貸表

蘇州賀冊皇太子表

賀冊皇太子賤

為裴相公賀冊魯王表

臣某言伏見制書以今日日冊魯王禮畢皇家有慶

寶祚無疆既榮本枝克固盤石伏惟皇帝陛下德符

列聖道冠前王孝敬承兩宮之歡慶恭奉九廟之祀

中山集



卷十五

先崇大禮慶浹天人次念建封事兼家國伏以魯王  
夙承勸訓特稟天姿爰擇吉辰光膺寵冊既示之以  
君親之道又錫之以禮義之邦寰海聞風室家相慶  
臣自嬰疾疹已歷旬時不獲展禮明庭拜舞稱賀

為裴相公讓官第一表 并批荅

臣某言臣去冬得疾近日加劇西夕之景豈能久留  
及其未亂披露誠懇臣犬馬之齒六十有七壽雖不  
長亦不為短位忝公台近十五年皆由際會非以才  
進常懼官謗以招國刑今被病得死保其始終為幸  
甚厚豈復咨嗟所恨者遇聖明之君不得佐成太平

甚厚豈復咨嗟所恨者遇聖明之君不得佐成太平

之化自量氣力忽恐奄然則有微素無階上達伏惟  
聖慈昭鑒憐而察之伏以三公非曠職之地宰相非  
卧理之官伏枕之初已有陳乞請罷真食兼辭貴階  
伏蒙優詔纔遂一事頗降中使慰勉再三專令御醫  
旦夕診視苟安名器不覺經時主恩則深公議不可  
伏思陛下臨御之始宰臣四人逮今零落忽已一半  
臣且危懼餘年幾何唯易直外鎮獨得無恙竊惟此  
理權位難居伏乞賜臣停官許在家養疾就閒辭祿  
或冀有瘳害盈福謙固是神理儻天眷綢厚念以伏  
事多年臣之所陳未蒙便遂則國朝勲舊以疾辭位

卷十五

者皆得致仕官使其家居足以頤養既有成例著於  
舊章伏望天恩特賜哀允

官

省表具知夫爵位崇高以酬勲德君臣協契諒在  
始終斯乃前王之令圖有國之彝典也况御輔相  
憲祖逮于朕躬履歷四朝夷險一致服事君之大  
節推濟物之深誠道光朝倫行滿天下倚注之意  
豈同它人屬朕纂曆御乾興師伐叛騷動累歲端  
憂靡遑及河朔載寧郊立畢事方欲咨詢元老康  
靖生靈不虞寒暑所侵勤勞遇疾雖國醫診視中  
使省臨憂屬之誠頃刻在念忽覽章奏退讓官榮

雖知止之心則思避寵而謀猷之體斯乃為時懷

使省臨憂屬之誠頃刻在念忽覽章奏退讓官榮

雖知止之心則思避寵而謀猷之體斯乃為時寢  
食之間勉加顧養其所陳乞非朕意焉

第二表 并批荅

臣某言臣所獻章表發於至誠伏奉批荅未蒙允許  
外負公責內迫私情祈於必遂敢守難奪臣束髮已  
來號為強力及其晚節亦未其衰哀一朝被病遂至縣  
愒臣自思省得其端倪非因飲食不節無有霧露之  
犯盖由才微而任重功薄而賞厚竊位既久妨賢則  
多以積年之過幸致今日之沈疾不能酌損所以生  
災悟雖已晚情實非矯伏惟陛下念其委使之久察  
中山集

卷十五

其危苦之詞持降深恩。救臣不逮。無冒榮之咎。得遂性之宜。物議不形。病心自泰。忍死俟命。披肝再陳。伏乞聖慈。俯賜容納。無任迫切懇倒之至。

省表具知。卿勲績崇高。誠節忠蓋。秉心一德。宣力四朝。訏謨緝熙。弼予以理。勤勞事國。啓沃匪躬。功格道光。常所嘉尚。所疾未瘳。勉於善養。勿藥之喜。佇即痊平。台衮之司。倚卿為重。乃累陳退讓。殊謂不然。宜體朕懷。即斷來表。

第三表

并批答

臣某言。得疾踰年。在假三月。再有陳請。未蒙允從。慮

其養忽銜愧入地。伏惟聖慈哀而信之。臣聞君之使



臣某言得疾踰年。在假三月。再有陳請。未蒙允從。慮

其奄忽。銜愧入地。伏惟聖慈哀而信之。臣聞君之使  
臣在。知其心而聽其言。不以容尸祿為惠也。臣之事  
君在。無隱情而盡忠節。不以受非據為榮也。然後上  
下交感。終始可詠。臣伏事陛下五年。于茲葵藿微誠。  
已蒙識察。桑榆莫景。所冀哀憐。豈今危懼之時。更惧  
滿盈之禍。雖有藥石。安能調和。聖日難逢。生涯漸短。  
體羸無拜舞之望。心在有涕戀之悲。臣伏覽國史。備  
見前事。太宗朝李靖。高宗朝劉仁軌。皆自宰臣乞骸。  
致政。其後知猶可用。復起于家。進退之間。曲盡情禮。  
君臣之際。良史美談。伏望陛下。悉臣至誠。念臣羸病。

卷十五

許遂願養以保餘年俟其有瘳或冀萬一無任懇款  
皇迫之至

省表具悉謝病之制雖起於昔賢盡瘁之詞亦標  
於古典况卿有功於國作相累朝自匡輔躬身又  
勤勞數載豈可以微疾去位以重望辭榮章疏徒  
來延遲彌切至如太宗朝許李靖致政高宗遂仁  
軌乞骸朕非不知事則有異何者時當明聖在上  
理道已成宰臣優游固得自便今則生物尚困庶  
工未修言念勲賢方深倚注惟此故事恐難遽行  
卿宜體是誠懷力更願養必有多福以扶大忠無

至確然復陳章表

蘇州謝上表

臣某言伏奉制書授臣使持節蘇州諸軍事守蘇州  
刺史始從郎署出領郡章承命若驚省躬增感伏惟  
皇帝陛下受上玄之眷佑揚列聖之耿光大康黎元  
慎擇牧守德音每發品物咸蘇臣本書生素無黨援  
謬以薄伎三登文科德宗皇帝擢為御史在臺三載  
例轉省官永貞之初權臣領務遂奏錄用蓋聞虛名  
唯守職業實無朋附竟坐飛語貶在遐藩憲宗皇帝  
後知事情卻授刺史凡歷外任二十餘年伏遇陛下

卷十五

應運重光物無廢滯收拾耆舊塵忝班行既幸逢時  
常思展效在集賢院四換星霜供進新書二千餘卷  
儒臣之分甘老於典墳優詔忽臨又委之符竹分憂  
誠重戀闕滋深石室之書空留筆劄金閨之籍已去  
姓名本末可明申雪無路豈意聖慈弘納不隔卑微  
面辭之日特許升殿天顏咫尺臣禮兢惶不敢盡言  
空懷誠懇謝恩而出生光於九陌之間受訓而行布  
政於五湖之外臣即以今月六日到任上訖伏以水  
災之後物力索空臣謹宣皇風慰彼黎庶臣聞有味  
之物蠹蟲必生有才之人讒言必至事理如此古今

之物靈蟲必生有才之人謾言必至事理如此古今  
同途了然辨之唯在明聖伏惟陛下察臣此言則天  
下之人無不幸甚江海遠地孤危小臣雖雨露之恩  
幽遐必被而犬馬之戀親近為榮大和六年二月六  
日

蘇州謝賑賜表

書

臣某言伏奉去年二月十五日敕蘇州宜賜米一十  
二萬石委刺史據戶均給者恩降九天澤流萬姓伏  
以臣當州去年災沴尤甚水潦雖退流庸尚多臣前  
月到任奉宣聖旨闔境老幼無不涕零詢訪里閭備  
知凋瘵方具事實便欲奏論聖慈憂人照燭幽遠特

卷十五

有賑卹救其災荒蒼生荷再造之恩儉歲同有年之慶臣忝為長吏倍萬常情無任感激抃躍之至大和六年三月二十四日

蘇州賀冊皇太子表

臣某言伏奉制書以今月十日冊皇太子德音遐布盛禮畢陳國本永安人心同慶伏惟皇帝陛下以繼天之聖有知子之明義兼君親禮重宗祐龍樓肇建展嘉禮於三朝鳳曆延長固本枝於萬葉臣守在遐郡不獲稱慶闕庭無任踴躍屏營之至大和七年八月十七日

蘇州賀冊皇太子牋

朝議大夫使持節蘇州諸軍事守蘇州刺史上柱國  
 劉某叩頭叩頭伏惟皇太子殿下允膺上嗣光啓東  
 朝蒼震發前星之輝黃離表重輪之瑞位居守器禮  
 重承祧萬國以貞九圍咸說某限以守郡不獲稱慶  
 宮庭

浙江圖

卷十五

劉賓客文集卷第十五



浙江圖書館

劉賓客文集卷第十六 表章六





劉賓客文集卷第十六 表章六

蘇州謝恩賜加章服表

蘇州賀皇帝疾愈表

汝州謝上表

同州謝上表

賀臯斬鄭注表

賀德音表

賀赦表

謝恩賜粟麥表

慰淄王薨表

謝恩放先貸斛斗表

謝分司東都表

蘇州謝恩賜加章服表

臣某言伏奉去年十一月二十七日詔書加臣賜紫

金魚袋餘如故者恩降重霄榮霑陋質盛黷陟明之

中山集

一

浙江圖書館

典恐興彼已之詩寵遇若驚喜深生惧中謝臣起自  
書生業文仕德宗朝為御史以孤直在臺順宗朝  
為郎官以緣累出省憲宗皇帝後知其寃特降敕書  
追赴京國緣有虛稱恐居清班務進者爭先上封者  
潛毀巧言易信孤憤難申俄復一麾外轉三郡伏遇  
陛下膺期御宇大振滯淹哀臣宿舊猥見收拾職兼  
書殿官忝儀曹微勞未宣薄命多故又離省署重領  
郡符延英面辭親承教誨銜命即路星言載馳到任  
之初便逢災疫奉宣聖澤恭守詔條上稟獻謀下求  
人瘼才術雖短憂勞則深幸免流離漸臻完復皆承

聖化所及遂使人心獲安豈由微臣薄劣能致臣素  
乏親黨家本孤貧年衰無酒食之娛性拙無博奕之  
藝自領大郡又逢時災晝夜苦心寢食忘味曾經誣  
毀每事防虞唯託神明更無媒援豈期片善上達宸  
聰回日月之重光燭江湖之下國絲綸褻異苦節既  
彰印綬煒煌老容如少望雲天而拜舞豈盡丹誠視  
環玦以裴回空嗟白首無任感激屏營之至大和七  
年十二月十六日

蘇州賀皇帝疾愈表

臣某言臣得本道觀察使報伏承聖躬痊愈已於紫

宸殿視朝者一人有慶萬國同歡伏惟皇帝陛下外  
親萬務內奉三宮常懷宵旰之勤遂失寢興之適上  
玄降祐列聖表靈百神奔走以來扶四海精誠而致  
感勿藥有喜如山永安宗廟保無疆之休寰瀛申莫  
大之慶臣恪居官次遐守江干不獲稱賀闕庭無任  
踴躍屏營之至

汝州謝上表

江

臣某言伏奉去年七月十四日詔書授臣使持節汝  
州諸軍事守汝州刺史兼御史中丞充本道防禦使  
餘如故者臣久居遠服戀闕常深忽降新恩近鄉為

貴承旨慶抃省躬慙惶臣某誠歡誠喜頓首頓首伏

餘如故者臣久居遠服戀闕常深勿忽隆新恩近鄉為

貴承旨慶抃省躬慙惶臣某誠歡誠喜頓首頓首伏

惟皇帝陛下垂衣穆清之中旁照寰瀛之內車書所

及動植咸安臣昨離班行遠守江徼延英辭日親奉

德音知臣所部災荒許臣到任條奏共承睿旨宣示

共唐五作恭

群黎減其征徭頒以賑賜伏蒙聖澤救此天災疲羸

再蘇幼艾同感二年連遭水潦百姓幸免流離交割

之時戶口增長雖才術不足於事未周而憂勞則深

為衆所悉臣本業儒素頗登文科時命遭回再領軍

時唐文作帝  
遣唐文作遠

郡即以今月二十七日到任上訖謹當奉宣皇化慰

任唐文作州  
皇唐文作聖

彼蒼生臨汝水之波朝宗尚阻望秦城之日回照何

中山集

三

時無任感激屏營之至謹差防禦押衙常禮簡奉表  
陳謝

同州謝上表

館

臣某言伏奉去年十月二十三日制書授臣使持節  
同州諸軍事守同州刺史兼御史中丞充本州防禦  
長春宮等使恩降九重榮忝三輔承旨慶忝省躬慙  
惶臣某伏惟皇帝陛下丕承列聖光闡鴻猷氛祲掃  
除乾坤交泰臣幸逢昌運累沐殊私空荷生成之恩  
竄酬雨露之澤即以今月二日到本州上訖謹宣獻  
旨安慰蒸黎伏以本州四年已來連遭旱損閭閻凋

首安尉心蒸黎伏以本州四年已來連遭旱損閭閻凋  
瘵遠近共知臣頃任蘇州之年亦遭大水之後而辭  
之日親奉德音至於撫綏皆承聖教二年之後百姓  
獲安今本部災荒物力困涸忝為長吏敢不竭誠即  
須條疏續具聞奏臣恪居官次幸接王畿不獲拜舞  
彤庭陳露丹慊犬馬懷戀寢興匪寧瞻魏闕之容朝  
天尚阻望長安之路近日為榮無任感激屏營之至  
謹差防禦知衙官試殿中監楊克乂奉表陳謝大和  
九年十二月二十一日

批答省表具知卿任居三輔職奉六條累聞問俗  
之勞載覽勤人之志言惟願行深慰朕懷勉弘故

卷十六

經以副憂寄所謝知

賀臯斬鄭注表

臣某言伏奉前月二十五日詔書示逆賊鄭注已梟首訖氛妖殄滅華夏又安伏以逆賊鄭注本出細微潛懷梟獍之心兼結兇狂之黨人倫共棄神理不容陛下叡略感通天人合應重臣協力禁旅齊心指頤之間猖狂自潰乾坤交泰日月增明凡在人臣不勝慶快臣恪居官次不獲稱賀闕庭無任欣歡抃躍之至大和九年十二月二日

賀德音表

臣某言伏見今月十六日德音布告遐邇天道下濟



臣某言伏見今月十六日德音布告遐邇天道下濟

人情大安伏惟皇帝陛下凝旒思理垂意擇材以日

意唐文宗

月無私之光照寰區有截之內貴使下情盡達寧虞

厚貌潛謀一昨李訓鄭注等敢有逆心兼連兇黨陛下

下敵謀神斷左右協同頃刻之間掃除已定重臣畢

力禁旅竭忠氛禳廓清華夷咸說言念正刑之外或

有誑誤之徒再發德音廣宣聖澤當星紀回天之日

迎陽和煦物之光懷危疑者如山之安欲告訐者望

風知懼非同謀者一切不問未結正者三省從寬舍

生之倫普天同感臣恪居官次不獲稱慶闕庭

云云

謹差防禦知衙官朝議郎權知容州都督府司馬孫  
惕奉表

賀赦表

館

臣某言伏奉今月一日制書改大和十年為開成元  
年大赦天下者雷雨作解人神說隨澤及八荒網開  
三面臣某誠歡誠喜頓首頓首伏惟皇帝陛下上承  
乾綱下立人極用舍弘光大之澤副夷夏會同之心  
獻歲改元惟新景祚先明首罪次及群妖述獻情以  
晚萬方施鴻需以蘇庶物恤辜宥過已責弛征郡縣  
之舊弊悉除賦稅之新規咸備停藩方節獻之禮以

辛酉唐文作刊

惠疲人回權管餘羨之財以資京邑命使展澄清之

之舊弊悉除賦稅之新規咸備停藩方節獻之禮以  
惠疲人回權管餘羨之財以資京邑命使展澄清之  
志察言求謹直之材方旌賁于丘園粟帛頒於耆艾  
爰以初吉御宇明庭德音一發於九天和氣驟周於  
四海開物成務實表於建元應天順人永延於億載  
臣幸居近輔先受殊恩不獲稱慶闕庭陪榮班次衆  
星列位常拱北辰之光新歲拜章遙獻南山之壽無  
任抃躍屏營之至

謝恩賜粟麥表

臣某言伏奉今月一日制書以臣當州連年歉旱特  
放開成元年夏青苗錢拜賜斛斗六萬石仰長吏逐

急濟用不得非時量有抽歛於百姓者恩降九天澤  
周萬姓優詔纔下群情頓安臣某誠歡誠喜頓首頓  
首伏以災沴流行陰陽常數物力既竭人心匪遑輒  
敢奏聞本求貸借皇恩廣被玄造曲成既免在田之  
征仍頒發廩之賜臣謹宣赦文節目彰示兆人鼓舞  
歡謹自中徂外臣初到所部便遇儉時今蒙聖慈特  
有賑恤主恩及物已為壽域之人衆意感天必有豐  
年之應臣恪居官業不獲拜舞闕庭無任感激

慰淄王薨表

臣某言臣得進奏官楊惕狀報淄王薨輟朝三日伏

惟皇帝陛下德邁前王情深近屬憫枝葉之謝諒切  
宸衷割肌膚之愛何堪聖念萬方知化九族歸仁凡  
受國恩伏深悽惻臣限以藩守不獲奉慰闕庭無任  
屏營之至

謝恩放先貸斛斗表

臣某言臣奉五月二十九日敕牒據度支所奏諸道  
節度觀察使及州府借便省司錢物斛斗等數內當  
州欠三萬六千二十三貫石並放免者殊私忽降通  
責滌除藩方永安遐邇咸說臣某誠歡誠喜頓首頓  
首伏以閔輔之間頻年歉旱田租既湏於放公用又

不支持承前長吏例有借便以救一時之急皆成積  
欠之名既未支填常懷憂惧聖恩周洽洞見物情爰  
命有司使之條奏去其舊弊衆已獲安嚴立新規人  
知所措臣恪居官次不獲拜舞闕庭無任抃躍屏營  
之至

謝分司表



臣某言伏奉今月十九日制書授臣太子賓客分司  
東都者寵命自天戰越無地臣發迹書生以文為業  
出身入仕四十餘年頃自集賢學士出守吳郡面辭  
之日親承德音念百姓水潦之餘亦微臣政理之法

之日親承德音念百姓水滸之餘亦微臣政理之法  
臣祗膺聖旨夙夜竭誠閭里獲安流庸盡復猥蒙朝  
獎錫以金章及遷同州又遇歉旱悉心綏撫幸免流  
離今荷天慈憫臣耆舊列名賓護之職分局河洛之  
都老馬霜束帛之恩枯株蒙雨露之澤獲居榮秩以  
畢餘年願此微軀實為厚幸伏以臣始為御史逮事  
德宗今忝宮寮幸逢聖日舉四海之內賢能則多求  
六朝之臣零落將盡雖迫桑榆之景猶傾葵藿之心  
臣無任感恩惕抃之至

浙

卷十六

劉賓客文集卷第十六



浙江圖書館

劉賓客文集卷第十七

...



劉賓客文集卷第十七狀

為淮南杜相公論新羅請廣利方狀



為京兆韋尹降誕日進衣狀

為京兆李尹降誕日進衣狀

為京兆韋尹進野猪狀

為杜相公自淮南追入長安至長樂驛謝賜酒食狀

為杜相公謝就宅賜食狀

為東都韋留守謝賜食狀

為裴相公進東封圖狀舉崔監察群自代狀

舉開州柳使君公綽自代狀

舉姜補闕倫自代狀

蘇州舉揚子常中

丞自代狀

蘇州上後謝宰相狀

蘇州加章服謝宰相狀

汝州上後謝宰相狀

汝州舉杭州裴大

夫自代狀

汝州進鷹狀

高州舉蕭諫議自代狀

上宰相賀德音狀

上宰相賀改元赦書狀

薦處士嚴斌狀

薦處士王龜狀

為淮南杜相公論新羅請廣利方狀

淮南節度觀察處置等使敕賜貞元廣利方五卷右

臣得新羅賀正使朴如言狀稱請前件方一部將歸

本國者伏以纂集神效出自聖衷藥必易求疾無隱

狀搜方伎之秘要拯生靈之疾瘥坐比華胥咸濟仁

本國者伏以纂集神效出自聖製藥必易求疾無隱

狀搜方伎之祕要拯生靈之天瘡坐比華胥咸躋仁  
壽遂令絕域逃聽風聲美茲豐功爰有誠請臣以其  
久稱藩附素混車書航海獻琛既已通於華禮釋痾  
蠲癘豈獨隔於外區正當四海為家冀覩十全之效  
臣即欲寫付未敢自專謹錄奏聞

為京兆常尹降誕日進衣狀

衣一副四事黃折造衫一領白吳綾汗衫一領白花  
羅半臂一領白花羅袴一腰右伏以正陽令月誕聖  
嘉辰運協十年慶流萬國凡在臣子合有獻陳敢傾  
就日之心願奉如山之壽輕瀆宸衷無任兢惶

為京兆李尹降誕日進衣狀

衣一副四事。右伏以水德方清，真龍下降。天長地久，瞻北極以常尊。獻壽稱觴，配南山而永固。臣地居宗屬，職忝尹京。慶賀之誠，倍萬常品。前件衣服，謹詣銀臺門奉進。輕瀆旒宸，伏用兢惶。貞元十九年四月十九日。

為京兆常尹進野猪狀

右伏以收穫之餘，田獵有獲。異於芻豢，著在方書。既堪充庖，輒敢上獻。前件野猪，謹隨狀進。謹奏。

為杜相公自淮南追入長安至長樂驛謝

賜酒食狀

具官臣某右臣今日至長樂驛高品某奉宣聖旨賜  
臣酒食者伏以恩降王人榮分御膳未展儀於雙闕  
先受賜於八珍品越朕膳味兼醪醴頓驚凡口倍益  
歡心無任欣躍

為杜相公謝就宅賜食狀

具官臣某右高品某奉宣聖旨賜臣食者出自太官  
飫于私第光榮曲被猥承推食之恩駑蹇未施益重  
素餐之責舉其七節若負丘山無任戰荷踴躍之至  
為東都韋留守謝賜食狀

卷十七

具官臣某右臣今日發至長樂驛中使某奉宣聖旨  
賜臣食者伏以味兼海陸品溢圓方降自御厨光臨  
傳舍臣初辭魏闕倍懷犬馬之誠猥受珍羞更切稻  
梁之感無任欣躍

為裴相公進東封圖狀

集賢殿御書院開元東封圖一面右臣謹按開元十  
三年立宗皇帝以天下太平登封東岳聲明文物振  
耀古今伏惟陛下丕承耿光再闡鴻業祖宗盛事紹  
復有期臣所以寫成此圖輒敢上獻至於續畫躬自  
指揮徵史氏之文纂禮容之要山川氣象悉擬真形

羽衛威儀咸稽故實所冀睿情一覽遐想玄蹤臣叨  
榮過深抱疾已久望陛下告成之日心必前知嗟老  
臣將謝之年身恐不見疾羸之際感激倍深前件圖  
謹差某官某謹詣光順門上進謹奏

舉崔監察群自代狀

御史臺宣歙池等州都團練判官監察御史裏行崔  
群右臣蒙恩授監察御史伏準建中元年正月五日  
制常參官上後三日舉一人自代者伏以前件官在  
諸生中號為國器繫維外府人咸惜之臣既深知敢  
舉自代貞元十九年閏十月日

舉開州柳使君公綽自代狀

尚書屯田集官等守開州刺史柳公綽右臣蒙恩授  
 尚書屯田員外郎伏準建中元年正月五日制常參  
 官上後三日舉一人自代者伏以前件官以賢良方  
 正再敷王庭在流輩間號為端士昨除遠郡人皆惜  
 之臣初蒙授官得以論薦多士之內非無其人竊惟  
 用材宜自遠始謹具如前謹錄奏聞伏聽敕旨貞元  
 二十一年四月八日

浙

舉姜補闕倫自代狀

東都尚書省前左補闕姜倫右臣蒙恩授尚書主客

郎中分司東都伏準建中元年正月五日敕常參官



東都尚書省前左補闕姜倫右臣蒙恩授尚書主客

郎中分司東都伏準建中元年正月五日敕常參官  
上後三日舉一人自代者臣伏詳詔旨欲達聰旁求  
發揚幽遠故人得言所知不當循其階次也臣伏  
以前件官有儒學士行蒙以諫官徵會其年老被疾  
不堪上道有司按視如狀不復逼迫至今家居而篤  
志無倦臣謹舉為郎吏分司別都冀優賢振滯兩得  
其道大和元年六月十四日

蘇州舉常中丞自代狀

蘇州狀上中書門下諸道監鐵轉運江淮留後朝議  
郎守太僕少卿兼御史中丞上柱國賜紫金魚袋常

中山集

五

應物右臣蒙恩授蘇州刺史伏準建中元年正月五日制刺史上後舉一人自代者前件官歷掌劇務皆有美名執心不回臨事能斷今領職雖重本官尚輕伏以當州口賦首出諸郡況經災沴切在撫綏尚省無能輒敢公舉司權筦之利誠藉時才流豈弟之風實惟邦本非敢臆說以塞詔書今具聞奏大和六年十二月九日

蘇州上後謝宰相狀

朝議大夫使持節蘇州諸軍事守蘇州刺史上柱國劉某右某今月六日到州上訖某山東一書生潦倒

疎闊在少壯日猶不逮人況今衰遲智力愈短相公

踈闊在少壯日猶不逮人況今衰遲智力愈短相公  
哀憐不遇擢授名邦實荷弘獎慙非器使伏以當州  
繇大寔之後物力蕭然肌寒殫仆相枕于野誓當悉  
心條理續具奏論才術素空憂勞方始懼無聞問忝  
負恩知不任瞻望懇迫之至

蘇州加章服謝宰相狀

右某素乏吏才謬居劇郡以無庸之器當難治之時  
恭守詔條勤求人瘼伏以聖德柔遠皇明燭幽凡有  
上陳皆可其奏遂令管見得及疲黎自承雨露之恩  
非有循良之政猥蒙朝獎特降命書顧逢掖之腐儒

被華章之貴服有黷陟明之典誠招彼已之譏限以  
守官不獲拜謝瞻望榮感心魂載馳大和七年十二  
月日

汝州上後謝宰相狀

朝議大夫使持節汝州諸軍事守汝州刺史兼御史  
中丞充本州防禦使上柱國賜紫金魚袋劉某右某  
自領吳郡仍歲天災上稟詔條下求人瘼地包藪澤  
俗尚剽輕悉心撫綏用法擒擗事繁才短常積憂虞  
忽蒙天恩稍移近郡蒙本榮上藉占洛陽病辭江干  
老見鄉樹榮感之至實倍常情印綬所拘不獲拜謝

瞻望德宇精誠坐馳無任感戀之至

汝州舉裴大夫自代狀

正議大夫使持節杭州諸軍事守杭州刺史上柱國  
賜紫金魚袋裴弘恭右臣蒙恩授汝州刺史兼御史  
中丞充本州防禦使伏準建中元年正月五日敕諸  
州刺史上後舉一人自代者伏以前件官前為九鄉  
出領兩鎮頃因微累遂有左遷今授遠州物情未塞  
臣前任鄰接具知公才舊屈未伸輒舉自代云云

汝州進鷹狀

汝州防禦便當使進奉籠母鷹六聯右伏以前件鷹

等學習應期。馴養斯至。列於常貢。有異衆禽。受絀之時。志已存於雲外。下韝之際。思用展於軍前。既懷百中之能。願獻三驅之禮。謹差防禦押衙景再休隨狀奉進。以聞。大和九年九月十一日。

同州舉蕭諫議自代狀

同州防禦使前諫議大夫蕭倣。右臣蒙恩授同州刺史。兼御史中丞。充本州防禦。長春宮等使。伏準貞元二年正月二十四日敕。上後三日舉一人自代者。伏以前件官生於貴族。伏膺儒門。縉紳之間。號為端士。昨蒙朝獎。冠于諫垣。時方被病。不果上道。長告已滿。

塊然家居。今聞疾瘳。可以錄用。臣與倣久同班列。知其材能。為官擇人。敢舉自代。大和九年十二月四日。

上宰相賀德音狀

同州狀上中書門下。今月十六日德音。右被刑部牒宣示德音。伏以聖澤滋深。新恩廣被。言念正刑之外。或有註誤之徒。爰降殊私。特弘在宥。瑕累咸滌。危疑獲安。此皆廟筭弼諧。致君及物。事光前史。功格上玄。某限以守官。不獲隨例拜賀。無任抃躍之至。大和九年十二月二十三日。

上宰相賀改元赦書狀

同州狀上中書門下改元赦書右伏奉今日制  
書改大和十年為開成元年大赦天下者伏以律首  
三元禮崇四始順陽和發生之德敷大號渙汗之恩  
宥過恤刑施征已責盡去人瘼通知物情德音朝發  
於九天和氣夕周於四海此皆相公弼諧之道燮贊  
之功進熟於密勿之間發揚成滂沛之澤某恪守官  
業即綬所拘不獲隨例拜賀

薦處士嚴筵狀

浙

處士嚴筵右左庶子損之之孫國子司業士元之子  
舊名保嗣亦有官班頃者李賓客勳常與之遊辟為

桂州支使其後寄家汝海真靜自居某嘗典汝州與



舊名保嗣亦有官班頃者李賓客陳常與之遊詩為  
桂州支使其後寄家汝海專靜自居某嘗典汝州與  
語甚熟歷代史及國朝故事悉能該通操心甚<sup>危</sup>觀  
跡相副未逢知己已過壯年泊沒風塵有足悲者伏  
見敕文節目委州郡長史搜訪隱淪夫舉無它唯善  
所在每覽珠英卷後列學士姓名有常州人符鳳白  
衣在選取其藝業不棄遠人某忝被儒官得以薦士  
亦非出位冀不廢言儻弘文集賢史氏之館採其實  
學有勸諸生伏以桂州辟之於前某薦之於後豈必  
有土長吏然後事行伏惟試味斯言降意詳擇謹狀

薦處士王龜狀

處士王龜古者選公族大夫必以博惠者教之文敏者道之果敢者諭之鎮靜者循之牧於此者蓋膏梁之性難正而惧公侯之胤不能嗣其耿先可以深惜然則成宣之後而老為大夫非耻乎此智武子誠文子既冠而見之詞也是知古之取士不專寒族必參用世胄以廣得人之路今見處士王龜即居守之第三子也天性貞靜操心甚危不由門資誓志自立樂處士之號不汨綺襦之間自到洛都便居山寺耽玩墳籍放情煙霞曾邀與語如鋸木屑信有稟受居然出群以比在京師甚足知者諫院有狀名流亟言

然出群以比在京師甚足知者諫院有狀名派亟言  
某流滯周南靜閱時輩身雖不用心甚愛才况遇相  
公持衡敢有所啓誠懸之下輕重難欺伏惟深賜詳  
擇知卿族之內有遺逸焉謹狀正議大夫檢校禮部  
尚書兼太子賓客分司東都劉某狀

浙江圖

卷十七

劉賓客文集卷第十七



浙江圖書館

劉賓客文集卷第十七 啓

劉賓客文集卷第十八啓

上杜司徒啓

上淮南李相公啓



上門下武相公啓

館上中書李相公啓

謝門下武相公啓

書謝中書張相公啓

賀門下裴相公啓

上門下裴相公啓

賀門下李相公啓

自西川入為大夫拜相

上僕射李相公啓

謝裴相公啓

謝竇相公啓

上杜司徒啓

時謫朗州

某啓一自謫居七悲秋氣越聲長苦聽者誰哀湯網

雖踈久而猶註失意多病衰不待年心如寒灰頭有  
白髮惕厲之日利於退藏是以彌年不敢奏記近奉  
州徐使君至奉手筆一函稱謂不移問訊加劇重復  
點竄一無客言忽疑此身猶在門下收紙長想欣然  
感生尋省遭罹萬重不幸方寸之地自不能言求人  
見諒豈復容易伏蒙遠示且曰浮謗漸消況承慶宥  
期以振刷方令聖賢合德朝野多歡澤柔異類仁及  
行藁萬族咸說獨為窮人四時平分未變寒谷自同  
類牽復又已三年側聞衆情或似哀歎某材略無取  
廢錮是宜若非舊恩孰肯留念六翻方錄思重託於

廢錮是宜若非舊恩孰肯留念六翻方錮思重託於

扶搖孤桐半焦冀見收於煨燼伏紙流涕不知所言  
謹啓

上淮南李相公啓

某啓某間以昧於周身措足危地駭機一發浮謗如  
川巧言竒中別白無路祝網之日漏恩者三咋舌競  
魂分終齋壤豈意天未勦絕仁人登庸施一陽於剝  
極之際援衆溺於坎深之下南箕播物不勝曷言危  
心錮錮錮翻繇是自保陰施之德已然乃聞受恩同人盟  
以死荅私感竊林積于窮年化權禮絕孤去莫展今  
幸伍中牽復司存宇下伏慮因是記其姓名謹獻詩

二篇敢聞左右古之所以導下情而通比興者必文  
其言以表之雖毗諛俚音可儻風什伏惟降意詳擇  
斯大幸也謹因楊子程留後行謹奉啓不宣謹啓

上門下武相公啓

某啓去年本州吏人自蜀還伏奉示問兼衣服僧鉢  
等雲水路遙緘滕既厚恭承惠下之旨重以念舊之  
懷熙如陽和列在緡簡苦心多感危涕自零驚神驛  
思若侍穎杖伏以聖上注意理本銳求國禎念外臺  
報政之功追宣室前席之事重下丹詔再升黃樞群  
情合符和氣來應八柄所在三人同心協台坐之精



膺傑材之數談笑於規隨之際從容於陶冶之間物  
皆由儀人識所措某久罹憲網兀若枯株當萬類咸  
說之辰抱窮途終慟之苦清朝無絳灌之列至理絕  
椒蘭之嫌此時不遇可以言命嗟乎一身主祀萬里  
望粉榆之鄉高堂有親九年居蠻貊之地從坐之典  
固有等差同類之中又尋牽復頃在臺日獲奉準繩  
指吏途於按讞道文律於章奏藻鑿之下難逃陋容  
炎涼載移足見真態自違間左右沈淪遐荒歲月滋  
深艱貞彌厲緬思受譴之始它人不知屬山園事繁  
孱懦力竭本使有內嬖之吏供司有恃寵之臣言涉

猜嫌動礙闕束城社之勢函矢紛然彌縫其間崎嶇  
備盡始慮罪因事闕寧虞謗逐跡生智乏周身又誰  
咎也伏以趙國公頃承一顧之重高邑公夙荷見知  
之深雖提挈不忘而顯白無自蓋以永貞之際皆在  
外方雖得傳聞莫詳本末特哀黨錮亟形詬言自前  
歲振淹命行中止或聞輿論亦愍重傷伏遇相公秉  
鈞輒已自賀儻重言一發清議攸同使聖朝無錮人  
大治無廢物自新之路既廣好生之德遠彰群孽應  
南山之雷窮鱗得西江之水指顧之內生成可期伏  
惟發膚寸之陰成彌天之澤回一瞬之念致再造之

恩誠無補於多事之時庶有助於陰施之德無任懇  
烟之至謹啓

上中書李相公啓

某啓去年國子主簿楊歸厚致書相慶伏承相公言  
及廢銅愍色甚深哀仲翔之久謫恕元直之方寸思  
振淹之道廣錫類之人遠聆一言如受華衮伏自不  
窺牆仞九年于茲高卑邈殊禮數懸絕雖身居廢地  
而心恃至公伏以相公久以訐謨參于宥密材既為  
時而出道以得君而專令發於流水之源化行猶偃  
草之易習強仇者自納於軌物困杼軸者咸躋於仁

壽六轡在手平衡居心運思於陶冶之間宣猷於魚  
水之際然能軫念廢物遠哀窮途嗟哉小生有足悲  
者內無手足之助外乏強近之親為學苦心本求榮  
養得罪由已翻乃貽憂捫躬自劾愧入肌骨禍起飛  
語刑極淪胥心因病怯氣以愁耗近者否運將泰仁  
人持衡伏惟推曾閔之懷憐烏鳥之志處夔龍之位  
傷屈賈之心沛然垂光昭振幽蟄言出口吻澤濡寰  
區昔者行藁勿傷枯骼猶掩衰老以出弊愍窮而開  
懷無情異類尚或嬰慮顧惟江干逐客曾是相府故  
人言念材能誠無所取譬諸飛走庸或知恩嗚呼以

不駐之光陰抱無涯之憂悔當可封之至理為永廢

不駐之光陰抱無涯之憂悔當可封之至理為永廢  
之窮人聞弦尚驚危心不定垂耳斯久長鳴孔悲腸  
回淚盡言不宣意謹啓

館

謝門下武相公啓

某啓某一坐飛語廢錮十年昨蒙徵還重罹不幸詔  
命始下周章失圖吞聲咋舌顯白無路豈謂烏鳥微  
志惻于深仁恤然動拯溺之懷煦然存道舊之旨言  
念穀觶慰安蒼黃推以恕心期於造膝重言一發敵  
聽克從回陽曜於肅殺之辰沃天波於贈蹬之際俾  
移善地獲奉安輿率土知孝治之源群生識人倫之  
中山集

厚感召和氣發揚皇風豈惟匹夫獨受其賜某即以  
今月十一日到州上訖守在要荒拘於印綬巾講詣  
謝有志莫從誠知微生不足酬德捐軀之外無地寄  
言效節蕭屏虔然心禱無任懇悃屏營之至謹勒軍  
事衙官左威衛慈州吉昌府別將員外置同正員常  
懇奉啓起居不宣謹啓

謝中書張相公啓

某啓某智乏周身動必招悔一坐飛語如衝駭機昨  
者詔書始下驚惧失次叫閤無路擠壑是虞草木賤  
軀誠不足惜烏烏微志實有可哀伏蒙聖慈遽寢前

命移在善部載形綸言凡在人臣皆感至德凡為人

命移蒞善部載形綸言凡在人臣皆感至德凡為人  
子同荷至仁豈唯鯁生獨受其賜伏以相公心符上  
德道冠如仁一夫不獲戚見于色密旨未下歎形于  
言竟回三舍之光能拔九泉之厄袁公之平楚獄不  
忍錮人晏子之哀越石乃伸知己所以慶垂胤祚言  
成春秋神理孔昭報應斯必身侔蟬翼何以受恩死  
輕鴻毛固得其所卑守有限拜謝未由無任感激兢  
惶之至謹勒軍事衙官守左威衛慈州吉昌府別將  
員外置同正員常懇奉啓起居不宣謹啓

頌門下裴相公啓

某啓伏以相公含道傑出降神挺生坐籌以弼叡謨  
秉鉞以行天討風雲助氣川岳效靈制勝於尊俎之  
間指蹤於韞縠之末繡斧既定衮衣以歸君心如魚  
水人望如風草一德交暢萬邦和平運神思於洪鑪  
納生靈於壽域文武不績冠于古今某恪守遐荒不  
獲隨例拜賀

上門下裴相公啓

某啓曩者淮右連誅即戎歲久天子齋戒以命元臣  
登壇之日上略前定從九天而下縱以神兵分六符  
之光埽其長孳授鉞於西顛之半策勲於北陸之初



功成偃節復執大柄君臣相遇播于樂章山河啓封  
載在盟府上方注意人益具瞻因魚水之協符極夔  
龍之事業時屬四始恩覃萬方致君及物其德兩大  
古先畷賢所未備者我從容而保之殆非人事抑有  
幽贊夫異同之論我以獨見剖之文武之道我以命  
材統之崇高之位我以大功居之造物之權我以虛  
心運之然持盈之術古所難也實在陰施及物厚其  
德基以左右功庸而百祿是荷人所欽戴久而愈宜  
昔袁太尉不忍錮人而楚獄哀息一言之慶子孫不  
承以今日將明之材行前修博施之義筆端膚寸澤

及九垓猶夫疾耕必有滯穗某頃墮危厄嘗受厚恩  
詛盟於心要之自效常惧廢死荒服永辜願言敢因  
賀牋一寄丹懇顧非竒理不足以縈于冲襟然則利  
於行者固在乎常談而卓詭孤特之言未必利於行  
也伏惟以愚言與賢者參之謹啓

賀門下李相公啓

自西川入為  
大夫拜相

某啓伏以聖君當功成愷樂之日而求賢愈切思治  
益深是上立垂休欲速致太平之明效以相公事業  
而逢此時天下之人視仁壽之域其猶尋尺故命書  
所至德風隨之微材片善咸自磨拂況同主國柄如

吹填麓令日生之倫唯所措置日月亭午物無邪陰聖

吹埴篔簹含生之倫唯所措置日月亭午物無邪陰聖  
賢合德人識正道雖居畎畝足以詠歌某遐守要荒  
不獲隨例拜賀私感竊朴實倍怕情

上僕射李相公啓

某啓州吏還伏蒙擺落常態手筆具書言及貞元中  
登朝人速令無十輩及發中書相公一函具道閣下  
亟言曩遊顏間頗有衰色夫溝中之木與犧象同体  
追琢不至坐成枯薪朱而藍之猶足為器苟液杼曲  
戾不足枉斧斤願為庭燎以照嘉客謹啓

謝裴相公啓

某啓某遭不幸歲將二紀雖累更符竹而未出網羅  
親知見憐或有論薦如陷還溘動而愈沈甘心終否  
無路自奮豈意天未勦絕仁人持衡紆神慮於多方  
起堙沈於久廢居剝極之際一陽復生出坎深之中  
平路資始通籍卽位分曹樂都喬木展舊國之思行  
雲有故山之戀姻族相賀壺觴盈門官無責詞始自  
今日禽魚之志誓以死生草木之年惜其晚晚章程  
有守拜謝無由瞻望嚴廊虔然心禱謹啓

謝竇相公啓

某啓某一辭朝列二十三年雖轉郡符未離謫籍卑

濕生疾衰遲鮮歡望故國而未歸如痿人之念起昨  
蒙罷免甘守丘園相公不棄舊遊特哀久廢每奉華  
翰賜之衷言果蒙新恩重忝清貫薦延有漸拯拔多  
方六律變幽谷之寒一九銷彌年之疹鍛翻將舉危  
心獲安布武夷途自此而始分曾有繫拜謝無由瞻  
望德藩坐馳精爽無任感激之至謹啓

浙

江


卷十八

劉賓客文集卷第十八



浙江圖書館

1111



劉賓客文集卷第十八



浙江圖書館

浙江圖書館藏  
018958  
一〇





浙江圖書館






浙江圖書館

浙江圖書館善本

甲登記號：018958

一九 年 月 日




浙江圖書館

colorchecker CLASSIC



x-rite



colorchecker CLASSIC



x-rite

